



UNIVERSITÄTS-
BIBLIOTHEK
PADERBORN

**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1845

CCII. Der Dechant entscheidet die Uneinigkeit zweier Vicarien des Domes,
am 10 März 1385.

[urn:nbn:de:hbz:466:1-54414](https://nbn-resolving.org/urn:nbn:de:hbz:466:1-54414)

CCI. Das Domcapitel genehmigt die von den Testamentarien des Scholasticus Johann bewirkte Stiftung seiner Memorie, am 4. October 1385.

— Nos hennyngus Ghergel decanus, Johannes Roxtz senior Totumque capitulum sancti Nicolai in Stendal Tenore presentium Recognoscimus publice protestando, quod discreti viri domini Gherardus de Redichstorp, noster concanonicus, et Rudolfus Bake, perpetuus vicarius, Testamentarii honorabilis viri domini, Johannis de Curia, quondam canonici et scolastici Ecclesie supradicte, Necnon executores ipsius Testamenti ad hoc legitime constituti, pium propositum et vltimum velle ipsius domini Johannis ad debitum effectum deducere toto conamine affectantes, iuxta ordinationem testamentariam de bonis per obitum eiusdem domini Johannis derelictis, cum consilio, fauore et consensu nostrorum omnium ac totius nostri Capituli ad perpetuam memoriam prefati domini Johannis, annuatim in Ecclesia nostra sollempniter cum vigiliis et missis, ut moris est perendam, quinque fertones argenti Brandenburgensis annue pensionis comparauerunt, quos quidem quinque fertones Ghereke Jerghov ac sui heredes, ciues in Stendal, de quodam agro prope ciuitatem Stendal sito singulis annis in festo purificationis Marie virginis hereditarie erogabit, prout in priuilegio super hoc confecto plenius continetur. Predictos eciam quinque fertones Rector capelle sancti Thome, qui pro tempore fuerit, colliget et extorquebit ipsosque quinque fertones in memoria anniuersaria dicti domini Johannis annis singulis peragenda distribuet fideliter in hunc modum; dominis canonicis in vigiliis et missis, presentibus duntaxat, mediam marcam cum dimidio fertone, vicariis et sociis in camera similiter presentibus fertonem et dimidium, campanario vnum solidum et cuilibet choralis presenti tres denarios monete currentis. Et quod super est de dictis quinque fertonibus pro suis laboribus collector obtinebit. Nihilominus tamen idem collector porcionem cum vicariis equaliter habebit. Si vero prefatus Collector negligens et remissus in colligendo et extorquendo fuerit et ipsos quinque fertones in dicta memoria presentibus non distribuerit, extunc porcione sua penitus carebit. Vt igitur premissa testamentaria ordinacio perpetue duracionis robur optineat, Nos hennyngus decanus antedictus cum consensu totius Capituli sigilli Capituli nostri antedicti appensione ipsam duximus communire. Actum et datum Stendal, Anno domini Millesimo Trecentesimo octuagesimo quinto, ipso die beati francisci confessoris.

CCII. Der Dechant entscheidet die Uneinigkeit zweier Vicarien des Domes, am 10. März 1385.

Anno — M^o CCC^o LXXX^o quinto, Indictione VIII, mensis martii die decima, hora completorii uel quasi, In loco Capitulari nostrorum decani et Capituli infracriptorum Coram nobis hennyngho decano et Capitulo ecclesie sancti Nicolai in Stendal, halberstadenensis diocesis, ac In Ludolphi Estorp notarii publici infrascripti et testium infracriptorum presentia, comparuit discretus vir dominus hinricus Altmerslene, perpetuus vicarius Altaris sancti Michabelis in ecclesia predicta, et in causa vertente coram nobis decano et Capitulo predictis inter Ipsum dominum hinricum ex una et dominum Tidericum purkaw, perpetuum vicarium Capelle sancti Stephani in ecclesia sancti Nicolai antedicta, de et super quibusdam certis oneribus parte ex altera, sententiam arbitralem in contumaciam dicti domini Tiderici purkaw non comparentis ferri petiuit. Vnde nos — nostram arbitralem sententiam tulimus in hec verba: In causa arbitramentorum vertente coram nobis hennyngho decano et Capitulo ecclesie sancti nicolai in Stendal halberstadenensis diocesis — pro tribunali sedentes per hanc

nostram arbitralem sententiam pronunciamus — prefatum dominum hinricum Altmersleue ad suam libertatem aduersus contractum in lesionem dicte sue vicarie celebratum in integrum restituendum et reintegrandum fore et eundem dominum hinricum Altmersleue sic restituimus et reintegramus et ipsum dominum hinricum Altmersleue ad dimittendum antedicto domino Tiderico purkaw redditus annales, quos occasione onerum, super quibus hactenus inuicem litigarunt, recepit, teneri et eosdem dimittere debere realiter et effectiue. — Presentibus discretis viris domino Conrado lichtenbergh sancti Petri, Matheo Brunonis sancti Nicolai Ecclesiarum in Stendal vicariis perpetuis, Johanne Buchholt Rectore scholarum sancti nicolai ibidem ac hinrico Erksleue, clericis halberstadtensis diocesis, Testibus ad premissa vocatis specialiter et rogatis.

Et Ego Ludolphus Estorp clericus verdenfis diocesis publicus Imperiali auctoritate notarius etc.

CCIII. Propst Gerhard von Havelberg erkennt in einer Streitsache des Domsists wider den Domherrn Emeko von Lemmershausen zu Magdeburg, am 9. October 1386.

Gherardus, prepositus Ecclesie havelbergensis, Judex vnicus cause et partibus infra scriptis a sede apostolica specialiter deputatus, venerabilibus viris dominis Abbatibus, prioribus, decanis, scholasticis, Thezaurariis et Canonicis tam Cathedralium quam collegiatarum Ecclesiarum, parochialium, cappellarum, altarium Rectoribus, presbyteris curatis et non curatis, clericis et Notariis publicis quibuscunque per Maguntinensem, Magdeburgensem, Halberstadtensem, Brandenburgensem, Merseburgensem, Nuwenburgensem et havelbergensem ciuitatem et diocesin ac alias vbilibet constitutis Salutem in domino et mandatis nostris ymmo verius apostolicis firmiter obedire. Quia alias honorabilis vir dominus Emeko de Lemmershausen Canonicus Ecclesie Sancti Nicolai nouifori Magdeburgensis per nos citatus in certum terminum peremptorium ad instantiam honorabilium virorum dominorum decani et Capituli S. Nicolai Stendalensis halb. dioc. non comparuit per se nec per procuratorem legitimum. Qua propter procuratore dominorum decani et capituli S. Nicolai predicti expectante quamdiu debuit necnon contumaciam dicti domini Emekonis debite accusante, prout de jure debuimus, eundem dominum Emekonem reputauimus et reputamus contumacem per presentes, in expensis legitimis ipsum dictis dominis decano et Capitulo nihilominus condemnantes. Mandamus igitur vobis vniversis et singulis et cuilibet vestrum, prout ad executionem presentis nostri mandati ymmo verius apostolici requisiti fueritis sed alter vestrum fuerit requisitus, in virtute sancte obediencie et sub excommunicationis pena, quam in vos et vestrum quemlibet ferimus in dei nomine in hiis scriptis, trium tamen dierum canonica monicione premissa, si non feceritis, quod districte precipiendo iniungimus et mandamus, quatenus accedatis, quo ad id fuerit accedendum, et salubriter moneatis predictum dominum Emekonem, quem et nos presentibus sic monemus, vt infra quindecim dies monicionibus vestris proximos et immediatos, coram nobis in havelberge suam canonice et legitime expurget contumaciam ac dominis decano et capitulo antedictis de expensis dampnis et interesse legitime et cum effectu satisfaciatur, Alioquin eundem dominum Emekonem ratione dicte sue contumacie et rebellionis in dei nomine excommunicamus in hiis scriptis, quem et vos ac quilibet vestrum, prout requisiti fueritis aut fuerit requisitus, trina tamen et canonica monicione premissa, excommunicatum in ecclesiis de ambone coram fidei populo publice extunc alta voce nunciatis ab hiis singulis dominicis diebus, non cessantes, donec a nobis absolucionis debite bene-